

Fegl parochial

Pleiv Sumvitg

Jamna 38

Sonda, ils 14 da settember

Alzada dalla s. Crusch / Unfrenda per ovas caritativas el cantun Grischun

19.00 a Sumvitg: Eucaristia per la fiasta da Rogaziun federala per l'entira pleiv (celebrant: pader dalla Claustra).

Mfp. Adolfinia e Catrina Candinas

Ministrantas: Jana e Sina

Dumengia, ils 15 da settember

24. dumengia ordinaria / Rogaziun federala / Unfrenda per ovas caritativas el cantun Grischun

10.00 a Surrein: Eucaristia per la fiasta da Rogaziun federala per l'entira pleiv (celebrant: sur Alexi Manetsch).

Mfp. Nicolaus e Nescha Giger-Maissen (davosa publicaziun) e mfp. Simeon Giger e nevs Rinaldo

Ministrants: Joan Miguel e Liam

17.00 a Surrein: Devoziun per il di da Rogaziun federala

Sonda, ils 21 da settember

S. Mattiu, apiestel ed evangelist

16.30 a Cumpadials (casa s. Giusep): Eucaristia dalla dumengia (celebrant: sur Alexi Manetsch)

19.00 a Rabijs: Eucaristia dalla dumengia per l'entira pleiv (celebrant: sur Alexi Manetsch).

Mfp. Giusep e Frena Tuor Carigiet e mfp. Ida Huonder-Giger (davosa publicaziun)

Cant ord il Selegra, allas 18.45 cuorta emprova sin lautga.

Ministrants: Mia e Marc

Dumengia, ils 22 da settember

25. dumengia ordinaria

10.30 a Sogn Benedetg: Eucaristia per la fiasta da perdanonza per l'entira pleiv (celebrant: pader dalla claustra). Il chor conta.

Absenza da sur Saji

Naven dils 3 – 27 da settember ei sur Saji en vacanzas. Las messas durant l'jamna crodan durant quei temps. Nus giavischein a sur Saji bialas vacanzas.

Baselgia catolica dil Grischun / Votaziun dil pievel dils 22 da settember 2024

Il 22 da settember 2024 ha liug la votaziun davart la revisiun totala dalla Constituziun dalla Baselgia catolica dil Grischun.

Tut las informaziuns davart quella votaziun anfleis Vus ella publicaziun sut vischnaunca Sumvitg.

Abdicaziun dalla calustra Manuela

La calustra da Sumvitg, Manuela Tuor, ha abdicau sia piazza sco calustra per la fin digl onn 2024. Nus engraziein grondamein a Manuela per sia zun preziada e fetg buna lavur duront varga 10 onns.

La pleiv enquera sin l'entschatta schaner 2025 ni tenor cunvegrientscha in caluster / ina calustra per la baselgia da Sumvitg.

L'administratura dalla pleiv dat bugen sclariment pli detagliau sur dil pensum da lavur (081 943 11 12 ni 079 569 21 70).

Vossa annunzia saveis vus inoltrar entochen ils **20 da settember 2024** a:

Pleiv Sumvitg

Walter Deplazes, president

Via Encarden 3, 7173 7173 Surrein

walter@deplazes.ch